

TITU

Titu zikena Kereti bùsun

¹ Mamoma Pɔlu, Luda zɔbleri, Yesu Kirisi zìrin ma ū. À ma zĩ mà gbẽ kè Luda n̄ séno kaara a náanekenan mà tó aɔ à dɔnzize yāpuraa dɔ,

² le aɔ wéé gɔ dɔ wèndi kè è yāaroozi, kè Luda à lé gbẽ zaale anduna e káero. Eè egée to sɔro.

³ Ben yā pì bò gupuraaa a gurɔɔa waazi kè Luda wa Mìsiri dàme ma kee guu lán à dìe nà.

⁴ Mámbe ma takada kè kènnne Titu, ma né yāpuraa Yesu zé kè wá kún ledoo guu. De Luda kɔn Kirisi Yesu wa Mìsirio gbékkee kenne, à n gba aafia.

⁵ Ma n to Kereti, le n̄ yā kè gɔ gweeno gɔgɔ, n̄ gbënsinò die wéte kɔn wéteo lán má ònné nà.

⁶ À maa gbënsi gɔ kuu taari sai nɔmendodee ū. À nénɔ gɔ dε ludanaanekerinɔ ū, wàtongɔ n̄ dɔ né zàzari swāgbāadeenɔ ūro.

⁷ Zaake gbënsi né Luda zĩ gwàrimε, àtongɔ dε taaridee ke wadadee ke pɔféri ke wëderi ke gbẽ pásí ke ɔɔzaaweteri ūro.

⁸ Sé àgɔ dε nibɔfɔri ū, làakaridee kè zè kɔn maakenao ū, gbẽ súusu kè kú adona bensɔ à a zǐnda kūna dɔ ū,

⁹ gbẽ kè zè gbängbän kɔn yā náanede kè wè dańneo ū, le à e à lé da gbẽ pāndenɔa kɔn yāzèdedannena pìo, à gbẽ kè bò à yā kpeenɔ egée káńne n̄ ɔzī.

10 Zaake swāyāmarisaidee kè a᷑è gbēnɔ likɔa kɔn ñ yā'onaonɔ pari, atēnsa gbē kè a᷑ zè kɔn bāngukēna yāonɔ.

11 A᷑è ua lezii yaka. À maa wà lésɔ dańne. A᷑è yā kè dè wà dańneroo dańne ɔɔ zaa ena yānzi.

12 Kereti bùsu annabi ke bē, Keretinɔ nē egedeenɔmɛ, nòbɔ pāsīnɔmɛ, ye'uzi meadeenɔmɛ.

13 Yā pì nē yāpuraamɛ. Beee yānzi ñ kpākēńzi maamaa, le a᷑gɔ dɔnzize kūna gbāa.

14 A᷑ton làakari dɔ Yudanɔ garaaro ke gbē kè a᷑ kɛ yāpuraaa yādienanɔ.

15 Póke ègɔ gbāsī gbāsīsaideenɔnero, bensɔ póke ègɔ gbāsīsai ludayādarisai gbāsīdeenɔnero, kè a᷑ laasuu kɔn ñ nòseo zaa yānzi.

16 A᷑è be wà Luda dɔ, ben a᷑ yākēna è ñ ege bo. Begizinɔmɛ, a᷑è yā maro, a᷑è fɔ wà maa ke kero.

2

Yādannēna zédee

1 Mmɔn sɔ, ñ yā kè è kɔ sé kɔn yāzēdedannēnao dańne.

2 Ñ da mare ìsinɔne a᷑gɔ ñ zīnda kūna dɔ gbē bēdeene û làakarideenɔ û. A᷑gɔ dɔnzize kūna gbāa kɔn yenzio kɔn menao.

3 Ñ da nɔgbēnsinɔne dɔ a᷑ kuuna gɔ dè dɔnziri maaanɔ kuuna û. A᷑tongɔ dè guderi ke wē zònɔ ûro. A᷑ yā maaa dańne,

4 le a᷑ lé da nɔzāreenɔ a᷑ baade gɔ ye a zāzi kɔn a nénɔ,

5 a᷑gɔ dè làakarideenɔ û gbāsī sai, a᷑ làakari dɔ ñ ua zīia, a᷑ baade mì sie a zāne le wàton Luda yā zaa boro yānzi.

6 Ñ lé da gōkpareñoa dō aõgō làakari vñ.

7 Ñ yāmaakēna zé ñdōañne à píngi guu. N yādannēna gō bēe vñ à kō sē kōn n yākēnao

8 kōn yāzēdee kē weé fō wà à ege borooo, le wí gbē kē aõ bō n kpēenō kū, aõton yā zaaa e wà o wa yā musuro yānzi.

9 Ñ lé da zònōa aõ mì sië n̄ diinōne yā píngi guu, aõ yā kē eé káñne ke. Aõton yā sínlaro.

10 Aõton kpāi orñmaro. Aõ tó wàgō n̄ dō gbē náanēdeeno ū maamaa, le Luda wa Mísiri yā kē weè dañne wéé bō yā píngi guu.

11 Zaake Luda gbēkēe kē mò kōn mísinao baade píngine bō gupuraaa.

12 Gbēkēe pì e daawe wà kpēe li yā kē èe kō sē kōn Luda yāoroone kōn anduna pónidēnāo, le wàgō wa zīnda kūna dō gbē maaanō ū, ludayādarinō ū anduna tiaa kékii guu,

13 wa wéé gō dō gurō aubarikadee kē wée dāazi. Àmbe wa Luda bíta wa Mísiri Yesu Kirisi mógorō gakuidee ū.

14 À a zīnda kpà wa yānzi, à wa bō zaa píngi guu, à wa gbāsī gògo, le wà gō a zīnda gbē kē aõ maakēna aña vñinō ū.

15 Ñ yā pìnō dañne ñ lé daorñma. Ñ kpākēñzi kōn iko kē n̄ vñio píngi. Ñton tó gbēke kya káguro.

3

Wà làakari dō maakēnaa

1 Ñ dō n̄ gbēnōn aõ mì sië gbāadeenōne kōn ikodeeno, aõ n̄ yā ma, aõgō kú kōn maakēna píngi soruo.

2 Aɔton gbẽke tó zaaa síro. Aɔgɔ dε nɔsedode yāketesaideenɔ ũ kɛ aɔ̄ busana baade píngine.

3 Zaake wapinɔ se, wá faa vĩ yáro, ludayádarisainɔn wa ũ. Wa sãsã, wá dε pɔnnakena kõn dà zaa píngio zònɔ ũ. Weègɔ kú kõn nɔse zaao kõn nɔsegɔaanɔ. Wá dε begizinɔ ũ, wa zakɔn.

4 Baa kõn beeee kɛ Luda wa Mísiri gbẽke kõn à yenzio bò gupuraaa,

5 ben à wa mì sì. Èe ke wa maakena yānzinlo, kɛ à wënda dɔ̄we yānzime. À wa zú ò à wa i dufu, à tò wa gɔ gbẽ dufunɔ ũ kõn a Ninii

6 kɛ à pisiwa gbāaa Yesu Kirisi wa Mísiri gãzĩ.

7 Beeee yānzi yā bòwao nna à gbẽke yānzi, wa gɔ túbiblerinɔ ũ, wá wéé dɔ auzennazi.

8 Yã pì né yāpuramɛ.

Má yezi ñ gã na yā pìnɔ onaa maamaa, le luhanaanɛkerinɔ e wà mè kpá maakenna. Beeee maa, à kaarana vĩ gbẽnɔnɛ.

9 Ñ bàa lé mísai yāgaganane kõn dezinɔ tó kõwənao kõn swèeo kõn leokpakɔakena Musa doka yā musuo, zaake yā pāanɔmɛ, aɔ̄ kaarana vĩro.

10 Ñ kpákẽ gbẽ kɛ è tó wà kẽkɔazi baa gɛn plaa, gbasa ñ péa.

11 Ngɔ dɔ̄ kɛ gbẽ beeee tako sàsã. Durunkerime, à a zĩnda bɔbɔ.

Lézammana

12 Tó ma Atema ke Tikiku zìmma, ñ zé wete ñ mó ñ ma le Nikɔpoli, zaake ma zeo mà buusie dε gwe.

13 Ñ aña ke ñ kūsãe ke bùsu dokadɔri Zenasinɛ kõn Apoloo le póke tón késãm̄maro ñ tá guu.

TITU 3:14

v

TITU 3:15

14 À maa wa gbẽnɔ maakɛna dada aɔ̄ n̄ zĩnda kpáa,
aɔ̄ yã kè kɔ̄ sionɔ bɔ̄kɔ̄te le wàtongɔ kuu pâro.

15 Gbẽ kè wá kú ledoонɔ ì kpàamma n̄ píngi. N̄ ì
kpá gbẽ kè aɔ̄ yewazi Yesu zé guunɔa. Luda gbẽkɛɛ
kɛare a píngi.

**Luda yã takada kõn Bokobaru yão
The New Testament and portions of the Old Testament
in the Bokobaru language of Nigeria**

copyright © 2005 SIM International

Language: Bokobaru

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-22

PDF generated using Haiola and XeLaTeX on 18 Apr 2025 from source files dated 31 Aug 2023

c31548a1-5316-53c2-be42-674e0e4c5ae5